

## KISJELA I BAZNA ISHRANA

---

PH je skraćenica za količinu jona vodonika koje ima neka supstanca. Ukazuje na kisjelost ili baznost (u ovom slučaju namirnice) i mjeri se na skali od 0-14. Kada je pH vrijednost 7, riječ je o neutralnoj namirnici, sve ispod 7 je kiselo, a iznad 7 alkalno. Naše tijelo je blago alkalno, tj. bazno i takva pH vrijednost je optimalna za naše zdravlje.

Hrana koju svakodnevno konzumiramo utiče na baznu ili kisjelu reakciju u našem tijelu. Važno je imati na umu kakav učinak hrana ima na naše tijelo, a ne da li je ona kisela ili bazna sama za sebe, ili ima kisjeo ukus. Hrana koja daje kisjeli efekat, donosi i ostavlja vodonikov jon u našem tijelu, čineći sredinu našeg tijela kisjelom, a hrana koja ima bazni efekat odnosi vodonikov jon, čineći sredinu našeg tijela baznom.

Nakon što se svari, svaka hrana „izvještava“ bubrege da li je kisjela ili bazna. Bubrezi su odgovorni za ravnotežu fluida i održavanje relativno neutralne pH vrijednosti tijela. Kada kisjelotvorne namirnice snize pH vrijednost organizma, bubrezi koordiniraju aktivnost kako bi neutralisali tu kisjelost. Kosti oslobađaju kalcijum i magnezijum da bi se ponovo uspostavila baznost a mišić se razlažu kako bi proizveli amonijak, koji je snažno bazan.

Kada se ta reakcija završi, minerali iz kostiju i razloženi elementi mišića se izbacuju urinom.

Konzumiranje velikih količina životinjskih bjelančevina oslobađa sulfuričku kisjelinu metabolisanjem aminokiselina sa sadržajem sumpora, što takođe doprinosi većoj kisjelosti. Ta kisjelost se može neutralisati povećanjem konzumacijom povrća bogatog kalijum-bikarbonatom. Na duge staze, pretjerana kiselost može dovesti do osteoporoze, kancera, slabosti mišića, srčanih oboljenja, dijabetesa, anksioznosti.

Gubitak kalcijuma i magnezijuma može se pretvoriti u deficit sa mnogim posledicama a to su: smanjena sposobnost tijela da apsorbuje minerale i ostale hranjive činioce, smanjena proizvodnja energije na ćelijskom nivou, smanjena sposobnost za obnavljanje ćelija i detoksifikaciju od teških metala, a sve to vodi ka kasnjem, neminovnom bržem ili sporijem propadanju imunog sistema.

Zabluda je da hrana koja ima kisjeo ukus ostavlja kisjelo učinak na naše tijelo. Primjer su limun i paradajz koji su kisjelog ukusa a čine sredinu organizma baznom.

Od vitalne važnosti za održavanje baznosti tijela, tj. za uravnoteženost Ph vrijednosti potreban je dovoljan unos vode, jer je unos vode podjednako važan kao izbor hrane. Naše tijelo čini 70% vode, dok je krv 94% voda, što je pokazatelj njene važnosti za organizam. Trebalo bi izbjegavati aromatizovanu vodu koja može da sadrži vještačke zasladičave i poremeti Ph balans.

Preporučljivo je svakog dana popiti bar 1,5 litara vode sa svježim limunom, 3 puta nedjeljno sprovoditi fizičku aktivnost jer se tako ubrzava eliminacija kisjelih supstanci iz organizma, izbjegavati kuvanje i zamrzavanje namirnica što obara Ph vrijednost hrane pa bi valjalo konzumirati što više svježih i neprerađenih namirnica, meso i ribu uvijek prelivati limunovim sokom, svaki obrok bi trebao da sadrži zeleno povrće.


Voditi izbalansiranu ishranu znači da na dnevnom nivou treba jesti alkalne namirnice (60-80%) i kisjele namirnice (20-40%).

BAZNE NAMIRNICE		
Voće	Povrće i žitarice	Začini   sjemenke   ulja
Limun	Šargarepa	Dumbir
Ananas	Cvekla	Senf
Jabuka	Boranija	Kari
Avokado	Karfiol	Aleva paprika
Kajsija	Paškanat	Susam
Mandarina	Crni luk	Peršun
Nektarina	Bijeli luk	Kim
Banana	Paradajz	Bosiljak
Kivi	Paprika	Morska so
Smokve	Grašak	Cimet

Grožđe	Kelj	Sjeme bundeve
Limeta	Celer	Mak
Mandarina	Repa	Badem
Lubenica / dinja	Maslačak	Ulje avokada
Malina	Rukola	Laneno ulje
Grejpfrut	Zelena salata	Kokosovo ulje
Grožđe	Krastavac	Maslinovo ulje
Urme	Brokoli	
	Pečurke	
	Kupus	
	Plavi patlidžan	
	Spanać	
	Raštan	
	Pšenica	
	Heljda	
	Ječam	
	Klice	

KISJELE NAMIRNICE				
Meso, jaja, mlijecni proizvodi	Voće	Napici	Prilozi   začini	Ostalo
Govedina	Šljive	Gazirana pića	Šećer	Kikiriki
Teletina	Brusnice	Crni čaj	Margarin	Džem
Piletina	Višnje	Kafa	Majonez	Med
Tunjevina	Pomorandža	Pivo	Kvasac	Bijeli hljeb
Sardine iz konzerve	Breskva	Sojino mlijeko	Kečap	Tjestenine
Iznutrice	Borovnica		Soja sos	Pržena hrana
Mesne prerađevine	Kupina		Kakao	Pirinač
Jaja	Mango			Ljekovi
Sir (tvrdi, topljeni)				Čokolada
Kravljе mlijeko				Alkoholna pića
Sladoled				Orasi i lješnici
Voćni i običan jogurt				Hmelj

### Provjera pH vrijednosti organizma



Ukoliko želite da provjerite stanje organizma po pitanju toga da li je kisjela ili bazna sredina možete koristiti lakmus pH tester papir i uzorak mokrače ili pljuvačke. Na ovaj način se možete orijentisati u narednom načinu balansiranja ishrane.

Mjerenje pH je jednostavan i efektivan način praćenja unutarnje dinamike vašeg zdravlja na ćelijskom nivou. Najbolje je da to učinite ujutro čim ustanete.

Prije nego što operete zube ili popijete vode, pljunite na lakmus papir i zabilježite pH. Takođe možete mjeriti i pH urina. Normalan pH pljuvačke bi trebalo biti najmanje 7, dok pH urina treba biti između 6,4 i 6,8.

Provjeru je dovoljno vršiti jednom u dva do tri mjeseca.